



*Assaggi di Bisalta*  
portale linguistico e culturale dei territori della Bisalta

grafia Escolo dòou Po

## La pourchisioun dël “Gezù Rous”

Për qui èt Boevès nèe après èt l'escounda gouèra moundial i unic arcord dël Counfratèrnite a pœlou ëncôu ese ël pourchisioun dël Gezù Rous e dël mourtori èt Gezù qu'a 's faziou ël sere dël jœvès e dël vendre sant, la prima ourganizâ da la Counfratèrnite èt Santa Crous (la Crouzâ) e l'escounda da quèlla èt la Santissima Trinità.

A l'erou nèe tantou tamp fa couma espresiou e na relijousità a la bouna e bin santùia da la jant e a 's soun pèrdue ën qui ultim anh si après dël novità qu'a l'an cambià la chelebrasioun èt l'esmana santa e pèrquè ënt ël mentre ël doue Counfratèrnite a i l'an pi fèta a ourganizale.

Èl “mourtori” ou l'a arzistù fina a la fin èt i anh outanta, mentre la pourchisioun dël “Gezù Rous” a l'é èstèta fèta pèr l'ultima vota ënt ël 1974. Souma nhant tant sigur ënveche èt coura qu'a soun nèe, bèle se a i é vènu fora èt papée qu'a pèrmètou èt considerale pi veie èt lo que ou l'avia dit *Mottini* qu'ou le pansava couma lo qui restava dël veie rapresentasioun sacre, que a 's faziou ëncôu ën prinsipi èt que secoul si ën la Gezia Veia”. Crezandie a la soua ideia ël doue pourchisioun, qu' a l'avriou na réis coumuna, a sariou nèe a l'inisi èt l'oetsant. Tutun, rigouard a la pourchisioun dël “Gezù Rous” 's pœl pansase qu'a sie bin pi veia e nâ pèr so count dinta la counfratèrnite èt Santa Crous. Quèsta difati a l'era nâ, couma ou arcorda l'èstatutou “*a laude, e gloria, e honore...* èt la sacratissima pasioun èt Noushnoù Gezù Crist” e a l'avia sampe pasà ël jœvès sant pregand dël segouit e piand part, una après a l'aouta, a tante founsioun relijouze que a finisiou coun la rievoucasion dël “lavage di pé”, ounda ën batù que nhun savia qui l'era, coun acol na cota bianca e ën testa ën capùs rous, ou fazià Gezù.

Pèr pasa èt doue secoui tute ël founsioun a 's faziou dinta la gezia èt Santa Crous, ma a parte dal 1737 a l'an tacà a scerte e a virâ pèr ël vie dël pais. Èn que an lì, difati, la Counfratèrnite a l'avia avù ël pèrmès èt butâ ën vista, pèrquè i fedei a pouéisou pregala, n'èstatoua èt la Beata Vergine adoulourâ. E d'après d'ènloura, o ënt i anh sùbit après, a i é tacà l'uzansa èt portâ ën pourchisioun l'èstatoua èt la Madona di sèt douloù, coun d'après ël Gezù Rous carià coun na pezanta crous.

A dî ël vée la pourchisioun a l'era fèta pèr faie onouù a la Madona, ma ël pèrsounage dël Gezù Rous, qu'ou fazià coulp ës l'imaginasioun e la relijousità di fedei, ou i a pià poch pèr vota ël post, tantou que la jant a l'a finì pèr chamala macpi “la pourchisioun dël Gezù Rous”.

Pruibia ënt i anh èt la douminasioun franseza, a l'an tourna tacà a fala après dël 1815 e a l'é diventâ onhi vota èt pi na “sacra rapresentasioun” qu'a arcordava ël camin èt Gezù vèrs ël Calvari. Èsquèzi tut la jant èt Boevès, que ja ënt l'après disnâ a l'era vènu ënt ël pais pèr fa vizita a tut ël gezie e chamâ ël pèrdoun, vèrs la sera a 's barounava èsloung al vie ounda i pasava la pourchisioun e a 's butava a pregâ ënsema a qui èt la pourchisioun que tra n'ourasioun e l'aouta a cantavou *Io Stabat Mater*. Èl piœvan Doun Calandri, qu'ou l'é èstèt parcou èt nosta paroquia dal 1864 al 1913, datou que èsta manifestasioun èt fede poupopular a i era bin piazù, ou s'é dèt da fâ ën tout ël manere pèr rande pi coumouventa e grandiouza la pourchisioun dël Gezù Rous. E difati ou l'a nhant mac chamà a piaie part tut ël coupanhìe relijouze, ma ou l'é co riusi a fa vene la Counfratèrnite èt la Santissima

Trinità, coza nhant da poch, datou que fina ënloura ël doue Counfratèrnite a s'erou beiquèe da brut. E dëspé d'ënloura, pèr ràndie ël piazî etcò la Counfratèrnita ët Santa Crous a l'é tut ël vote ëstèta ën vitâ a pia part a la pourchisioun dël Vendre Sant.